
INSTRUCCIÓN DA XERENCIA 12/2021, DO 7 DE OUTUBRO, PARA A CONTRATACIÓN DE PERSOAL CON CARGO A PROXECTOS FINANCIADOS POLA XUNTA DE GALICIA

Nas diferentes convocatorias de axudas para potenciar a I+D+i financiadas pola Xunta de Galicia establécense que as datas de finalización das anualidades non coinciden coa data de finalización do exercicio económico.

Así pois, pode ocorrer que no relativo a contratación de persoal, ao realizar a retención de crédito na aplicación orzamentaria, as nóminas e seguridade social de outubro, novembro e decembro pertencen e se xustifican na seguinte anualidade.

Polo tanto, naquelas convocatorias con anualidades estancas onde ocorra esta situación, e a convocatoria permita xustificar estas mensualidades na anualidade seguinte, poderase solicitar o anticipo do crédito da anualidade seguinte para estes conceptos co gallo de non reter un crédito na anualidade en curso que corresponde a seguinte anualidade. Para estes efectos o Servizo de apoio a Investigación e Desenvolvemento comunicará ás persoas administradoras de cada ámbito, os proxectos cuxa convocatoria permita a referida xustificación.

Polo que, as persoas administradoras de cada ámbito poderán solicitar ao Servizo de Apoio á Investigación e o Desenvolvemento un anticipo da anualidade seguinte do importe retido no exercicio económico en curso que corresponda coa seguinte anualidade.

Este anticipo poderá solicitarse con data límite o 30 de setembro de cada exercicio.

A/A ADMINISTRADORES DE ÁMBITO
A/A SERVIZO DE APOIO Á INVESTIGACIÓN E DESENVOLVEMENTO
A/A SERVIZO DE CONTABILIDADE, ORZAMENTOS E TESOURERÍA
A/A SERVIZO DE PDI
A/A VICERREITORÍA DE INVESTIGACIÓN